



Ilaqtariinnermut Peqqissutsimullu Ataatsimiititaliaq
Kukkunersiuinnermut Ataatsimiititaliaq
Inatsisartut

19-10-2023
Suliap normua 2023 - 14630
Allakkap ilisarnaataa 23518954

Postboks 260
3900 Nuuk
Oqarasuaat (+299) 34 50 00
Nassitsigasuaat(+299) 34 66 66
E-mail: iian@nanoq.gl
www.naalakkersuisut.gl

**Ulloq 19. oktobari 2023 isumasioqatigiinnermi / ilisimatitsiffiusumik
ataatsimiinnermi akissutit**

Apeqquut 1 Ilanngussaq 1- kiliffik pillugu allakkiaq januar 2023-imi qupperneq 2-mi allassimavoq:

"Suliniutini ataasiakkaani qanoq angusaqartigisoqarnerup ataatsimoortumik takuneqarnissaa siunertaralugu, suut amigaataanersut aamma suliniutip 2023-p naanerani unitsinneqarnerata kingorna tunngavissiiinissamut qanoq iliuuseqartoqarsinnaanersoq paasiniallugu atuuttussannortitsinissamik tunngavissiiinissamillu pilersaarusernerit qitiutinneqarput".

Suliniutip naammassereernerani suliniuteqarfiit assigiinngitsut pillugit siumut isigisumik pilersaarutit pillugit paasissutissiisoqarnissaa matumani ilanngullugu meeqqanut inuusuttunullu kommunit Namminersorlutillu Oqartussat akornanni suleqatigiinnerup ingerlaannarnissaanut aningaasatigullu kingunerisassat pillugit erseqqissaasoqarnissaa Naalakkersuisunut qinnutigineqarpoq.

Akissut: Initiativ Siusissukkut iliuuseqarneq pillugu siunertaq 1, 2 aamma 3. Kontomi pingaarnermi 30.10.48-mi aningaasat immikkoortinneqarsimapput siusissukkullu iliuuseqarnermik sulinerup ingerlateqqinnissaa aningaasaliissutigineqarsimasut iluanni ingerlanneqarsinnaanissaa naatsorsuutigineqarpoq.

Kajumissutsimik suliniuteqarneq pillugu siunertaq 4. Sulinerup ingerlateqqinnissaa, tamatumani nittartagaq www.paarisa.gl/frivillighed ilanngullugu Isumaginninnermut Aqutsisoqarfimmi / Paarisami ilaalereerpoq. Tamatumunnga aningaasaliinerusoqaqqinnissaa naatsorsuutigineqanngilaq.

Sulianik suliaqarnermik suliniuteqarneq pillugu siunertaq 5-imut tunngatillugu apeqquutinut 2 c-mut aamma 4.5-imut akissutit innersuussutigineqarput.

Kommunini sulianik suliaqarnerup tapersorsorneqarnissaa pillugu siunertaq 6. Apeqquummut 4-mut akissuteqaat innersuussutigineqarpoq.

Meeqqat inuusuttullu pillugit isumaginnikkut suliasaqarfimmi piginnaanngorsaallunilu piginnaasanik ineriartortitsinissamut neqeroorutiniq tamakkiisumik takunnissinnaalernissaaq pillugu siunertaq 7. Ilaatigut nittartagaliortoqassaaq, tassani pikkorissarnissat ilinniaqqinnissallu



neqeroorutigineqarsinnaassallutik. Isumaginninnermut Aqutsisoqarfiup nittartagaq aningaasaliissutigineqartut iluanni isumagaa.

Meeqqat inuusuttullu atugarliortut unnukkut unnuakkullu, pingaartumillu aningaasarsisimasoqartillugu sapaatit akunnerisa naaneranni toqqissisimanartumik sumiiffissaqartinniarlugit orniguttarfiit pillugit siunertaq 8. Meeqqanut orniguttarfiit pillugit misilittakkat kommunimiit kommunimut assigiinngitsorujussuupput. Kommunit nalinginnaasumik kissaatigaat, najukkaminni pissutsinut nalimmassarsimasumik inerisaasoqassasoq. Siunertaq 2023-mi naassaaq kommunillu siunissami qanoq pisoqarumaarnera namminneq aalajangissavaat.

Ilaqutariinnut sullissiviit meeqqanut, inuusuttunullu atugarliortunut ilaquataannullu suliniuteqarnerat pillugu siunertaq 9. Kommunit, ilaqutariinnut sullissiviit ilaqutariillu illuisa akornanni aqutsisut attaveqatigiiffiat pilersinneqarpoq workshopillu ingerlanneqarsimallutik. Kisianni aqutsisut attaveqatigiiffiata tapersorsorneqarnerata ingerlatiinnarnissaannut aningaasanik immikkoortitsisoqarsimanngilaq assersuutigalugu workshopinut. UKA 2023-mi inatsisissatut siunnersuummi oqaluuserisassaq 29-mi siunnersuutigineqarpoq ilaqutariinnut sullissiviit malittarisassiorneqassasut tamannalu meeqqanut ilaqutariinnullu sullissiviit pillugit nalunaarummi tunngaveqassasoq. Ilaqutariinnut sullissivinni ataasiakkaani suliatigut tunniussinnaasaannik takusassiorneqarsimavoq, sullissivinni piumasaqaatit atukkallu itisilerneqarlutik.

Meeqqanik katsorsaasut angalasartut pillugit siunertaq 10. AIS2021-mi siunertap kommuninit ujjartorneqartorujussuusup inerisaqqinnissaanut aningaasanik qinnuteqartoqarpoq.

Inersimasunut, meeqqat inuusuttullu 18-it inorlugit ukiullit kinguaassiuutaasigut kangguttaatsuliortartut pissusilersortartunut, katsorsaavimmik pilersitsinissaq pillugu siunertaq 16. Katsorsaavik pilersinneqarpoq: Klinik Killiliisa atornerarlunilu. Kontomi pingaarnermi 30.10.48-mi aningaasanik immikkoortitsisoqarsimavoq. Katsorsaavimmi suliaqarnerup saniatigut paasissutissiilluni 2024-2025 suliniuteqartoqarnissaa pilersaarutaavoq, ilaatigut nittartagaliorluni.

Apeqqu 2 ***Sumiginnakkanut isumaginninnikkut suliniutinut konto pingarneq 30.10.49 pillugu Kukkuersuineranut Ataatsimiititaliamit apeqqu***

Kalaallit Nunaanni meeqqanut inuusuttunullu sumiginnakkanut suliniutit nukittorsarneqarnissaat pillugu danskit naalagaaffiat Naalakkersuisullu suleqatigiinnissamut isumaqatigiissuteqartut ataatsimiititaliamit ilisimaneqarpoq, tassani ukiunut sisamanut 2019-imiit 2023-imum katillugit 100 mio. kr.-t aningaasaliisoqarsimalluni.

Danskit aningaasanut inatsisaanni siunertamut 80 mio. kr.-inik immikkoortitsisoqarpoq, Kalaallit Nunaata aningaasanut inatsisaanni 20 mio. kr.-inik immikkoortitsisoqartoq. 2021-imi Kalaallit Nunaata aningaasanut inatsisaanni 3,5 mio. kr.-inik immikkut tapiissuteqartoqarnissaa akuersissutigineqarpoq.

Akissut: Erseqqissaatigineqarpoq Danmarkimi aningaasanut inatsimmi 2019-imi pingaarnertut Tasiilami suliniuteqarnissamut 5,3 mio. kr.-nik immikkoortitsisoqarsimammat. Kalaallit Nunaanni meeqqanut inuusuttunullu atugarliortunut 2020-2023 iliuuseqarnissamut Danmarkimi aningaasanut inatsimmi 2020-mi ukiunut sisamanut 80 mio. kr.-nik immikkoortitsisoqarpoq.

a)



Naalakkersuisut akissuteqaataanni allassimavoq naatsorsuutit pillugit nassuiaatinut ataatsimiititaliap apeqquaqtaatanut ulloq 27 juli 2023-imi tiguneqartumi katillugit 10,95 mio. kr.-t nunatsinnit akilerneqarsimasut.

Piffissami 2019-imiit 2022-imut naatsorsuutit pillugit nassuiaatit ataatsimiititaliamit misissorneqarput, tassani allassimavoq katillugit 8,176 mio. kr.-inik katillugit atuisoqarsimasoq, soorlu kisitsisini ataani allassimasuni takuneqarsinnaasoq. 2019-imiit 2022-imut Kalaallit Nunaata aningaasaliissutai qassit atorneqarsimanersut ersarissarneqarnissaat ataatsimiititaliap kissaatigaa.

Ukioq naatsorsuiffiusoq	Aningaasaliissutit	Ukiumut atuinerit	Nuussinerit
2019	20.000.000,00 kr.	- kr.	20.000.000,00 kr.
2020		2.179,00 kr.	17.821.000,00 kr.
2021	3.500.000,00 kr.	4.164,00 kr.	17.157.000,00 kr.
2022		1.833,00 kr.	15.324.000,00 kr.
Naatsorsuineq 2022		8.176,00 kr.	15.324.000,00 kr.

Akissut: Takussutissiami ataaniittumi 2019-2022 naatsorsuutit qanoq isikkoqarsimanersut takuneqarsinnaavoq.

Takussutissiaq 1: Kalaallit Nunaanni meeqqanut inuusuttunullu atugarfiortunut pitsaanerusumik suliniuteqarmissaq pillugu kalaallit danskillu oqartussaasoqarfiisa assigiinngitsunik sullallit akomanni suleqatigiinnemut 2022-mut (mio. kr.) naatsorsuutit

	2019			2020			2021			2022			Katillugit 2019- 2022
	Missinger- suut Kalaallit Nunaannit aningaasa- liissutit	Kalaallit Nunaannit akiligassa- nik atuineq	Missinger- suutit atuinerullu assigiin- ngissutaat	Missinger- suut Kalaallit Nunaannit aningaa- saliissuti t	Kalaallit Nunaannit akiligassa- nik atuineq	Missinger- suutit atuinerullu assigiin- ngissutaat	Missinger- suut Kalaallit Nunaannit aningaa- saliissuti t	Kalaallit Nunaannit akiligassa- nik atuineq	Missinger- suutit atuinerullu assigiin- ngissutaat	Missinger- suut Kalaallit Nunaannit aningaas- aliissutit	Kalaallit Nunaannit tapiissuti- nik atuineq	Missinger- suutit atuinerullu assigiin- ngissutaat	
Imm. nutaag.	0	0	0	0	0	0	1,23	0,95	0,28	0,74	-	0,74	0,95
Sulin. 1	0	0	0	0	0	0	0,3	-0,02	0,32	0,43	-	0,43	-0,02
Sulin. 2	0	0	0	0	0	0	0	0,18	-0,18	0,30	-	0,30	0,18
Sulin. 3	0	0	0	0	0	0	0	0	0	0,35	-	0,35	-
Sulin. 4	0	0	0	0	0	0	0	0	0	0,24	-	0,24	-
Sulin. 5	0	0	0	0	1,33	-1,33	0,34	0,33	0,01	-	0,70	-0,70	2,36
Sulin. 6	0	0	0	0	0	0	0,96	0,48	0,48	0,95	0,12	0,83	0,60
Sulin. 7	0	0	0	0	0	0	0,23	0	0,23	0,10	-	0,10	-
Sulin. 8	0	0	0	0	0	0	1,26	0,12	1,14	0,42	0,48	-0,06	0,60
Sulin. 9	0	0	0	0	0,36	-0,36	0	0	0	0,10	-	0,10	0,36
Sulin. 10	0	0	0	0	0	0	1,55	2,45	-0,9	1,09	0,33	0,76	2,78
Sulin. 16	0	0	0	0	0	0	0,02	0	0,02	0,41	-	0,41	-
Sorpiaan era allassima- ngilaq	0	0	0	0	0,49	-0,49	0	-0,33	0,33	-	0,20	-0,20	0,36
Katillugit	0	0	0	0	2,18	-2,18	5,89	4,16	1,73	5,13	1,83	3,30	8,17

Missingersuutit Kalaallit Nunaannit Danmarkimiillu aningaasaliissutit agguataarneqanngillat

2022 tikillugu aningaasat atorneqarsimasut 10,95 mio.kr. nalunaarutigineqarsimapput. Tamanna ajoraluartumik kukkuneqarpoq. Taamaallaat atorneqarsimapput 9,4 mio.kr. Kukkuq tamanna ajuusaarutigaarput. Aamma takuuk apeqqu b.

b)



Naatsorsuutit pillugit nassuiaatinut ulloq 12. oktober 2023-imi tiguneqartut ataatsimiititaliap malitseqartitsilluni apequtaanut Naalakkersuisut akissuteqaataanni kalaallit danskillu suliat akimorlugit suleqatigiinnerannut 2022-imut naatsorsuutit nassiunneqarput. Naatsorsuutini nassiunneqartuni allassimavoq ukiumut naatsorsuusiorfiusumut 2022-imut katillugit 3,06 mio. kr.-t Kalaallit Nunaannit akiliutigineqarsimasut.

2022-imut Nunatta Karsiata naatsorsuutai pillugit nassuiaatini allassimavoq 1,833 mio. kr.-t atorineqarsimasut. Ukiumut naatsorsuiffiusumut 2022-imut Kalaallit Nunaannit akilerneqarlutik atorineqarsimasut qassiunersut Naalakkersuisut nassuiaatigissagaat ataatsimiititaliamit qinnutigineqassaaq.

Akissut: Ukiumi naatsorsuiffiusumi 2022-mi 1,83 mio. kr.-it nunatsinnit akilerneqarsimapput. Ukiumili naatsorsuiffimmi piviusumik atorineqarsimasut tassaapput 3,06 mio. kr.-it, tamanna kalaallit qallunaallu assigiinngitsunik suliaqartut suleqatigiinneranni aqutsisuiunut nalunaarutigineqarpoq. Kisitsisit assigiinnginnerinut pissutaanerusoq tassaavoq ukiup naanerani aqqissuussamut nutaamut ikaarsaariarsimanerput. 2022-mi aningaasartuutit ilai atorineqarsimasut aatsaat ukiumi naatsorsuiffiusumi 2023-mi naatsorsuutitut allanneqarsimaneri tamatuma kinguneraa. Kukkunersuiusumik isumaqatigiissuteqarnikkut tamanna periaaserineqarpoq.

Ukiumi naatsorsuiffiusumi 2022-mi aningaasartuutit naatsorsuutitut allanneqarsimasut ataani takuneqarsinnaapput.

Takussutissiaq 2: Kalaallit Nunaanni meeqqanut inuusuttunullu atugañiortunut pitsaanerusumik suliniuteqarnissaq pillugu kalaallit danskillu oqartussaasoqarfilsa assigiinngitsunik suliallit akornanni suleqatigiinneq-mud 2022-mi (mio. kr. naatsorsuutit)

	Missing er suutit 2022 DKmilit aningaasa liissutit	DK-milit akiligassanik atuineq	Missing ersuutit atuinerul lu assigiinngissuta at	Missinger suutit 2022 Kalaallit Nunaannit aningaasa liissutit	Kalaallit Nunaannit akiligassanik atuineq	Missingers u utit atuinerullu assigiinngissutaat	2022-mi missingersuutit atuinerullu assigiinngissutaanni nikingassutit pillugit nassuiaatit
Immikkoort ortaqarfik nutaa	3,85	4,22	-0,37	0,74	0,00	0,74	Inissianut akissarsianullu aningaasartuutitut aningaasartuutit amerlisimatu
Suliniut 1	2,27	2,42	-0,15	0,43	0,00	0,43	
Suliniut 2	1,55	1,55	0,00	0,30	0,00	0,30	
Suliniut 3	1,82	2,26	-0,44	0,35	0,00	0,35	
Suliniut 4	1,27	1,83	-0,56	0,24	0,00	0,24	Suliniut 4 ilitsersuinermut videunik suliarinninnermut 300.000-inik uma issimavo.
Suliniut 5	0,00	0,00	0,00	0,00	0,70	-0,70	
Suliniut 6	4,99	3,71	1,28	0,95	0,12	0,83	Kommunit ilai 2022-mi atulersitsinissat 2023-mut kinguartippaat. Taamaattumik atuine annikinnerusimalluni.
Suliniut 7	0,53	0,51	0,02	0,10	0,00	0,10	
Suliniut 8	2,19	1,84	0,35	0,42	0,48	-0,06	Kommuni ataaseq aningaasaliissutinik qinnuteqarsimanngilaq kommunilu alla missingersuutini tamakkiisumik atorsimana il.
Suliniut 9	0,53	0,58	-0,05	0,10	0,00	0,10	
Suliniut 10	5,72	5,98	-0,26	1,09	0,33	0,76	
Suliniut 16 Sorpiaane r allassiman n ila	0,00	0,00	0,00	0,00	0,20	-0,20	Naggataani atorfik inuttaarussimavoq oqalutseqarnissamillu pisariaqattitsisoqarsimanani, taamaattumik atuineq annikinnerusimalluni.
Katillu it	26,84	26,84	0,00	5,13	1,83	3,30	

Kisitsisit piviusut 2022



Takussutissiaq 3: Kalaallit Nunaanni meeqqanut inuusuttunullu atugafiorlutunut pitsaanerusumik sulniuteqarnissaq pillugu kalaallit danskullu oqartussaasoqarfiisa assiglinngitsunik sulfallit akornanni 2022-mi suleqatigiinnermi aningaasat piviusumik atukkat

	Missing er suutit 2022 DKmilit aningaa sa llissutit	DK-milit akillgassanik atulneq	Missing ersuutit atuinerul lu assiglinngissuta at	Missing er suutit 2022 Kalaallit Nunaannii aningaasa llissutit	Kalaallit Nunaannit akillgassanik atulneq	Missingers u utit atuinerullu assiglinngi ssutaat	2022-mi missingersuutit atuinerullu assiglinngissutaanni nikingassutit pillugit nassuaatit
Immikkoort ortaqarfik nutaa *	3,85	4,22	-0,37	0,74	0,63	0,11	Inissianut akissarsianullu aningaasartuutit aningaasartuutit amerlisimavut
Suliniut 1	2,27	2,42	-0,15	0,43	0,00	0,43	
Suliniut 2	1,55	1,55	0,00	0,30	0,30	0,00	
Suliniut 3	1,82	2,26	-0,44	0,35	0,00	0,35	
Suliniut 4	1,27	1,83	-0,56	0,24	0,00	0,24	Suliniut 4 liitersuinerlut videunik suliarinninnermut 300.000-inik uma issimavo.
Suliniut 5	0,00	0,00	0,00	0,00	0,70	-0,70	
Suliniut 6	4,99	3,71	1,28	0,95	0,12	0,83	Kommunit ilai 2022-mi atulersitsinissat 2023-mut kinguartippaat. Taamaattumik atuine annikinnerusimalluni.
Suliniut 7	0,53	0,51	0,02	0,10	0,00	0,10	
Suliniut 8	2,19	1,84	0,35	0,42	0,48	-0,06	Kommuni ataaseq aningaasaliissutit qinnuteqarsimangilaq kommunilu alfa missingersuutit tamakkisumik atorsimavut.
Suliniut 9	0,53	0,58	-0,05	0,10	0,07	0,03	
Suliniut 10	5,72	5,98	-0,26	1,09	0,76	0,33	
Suliniut 16	2,12	1,94	0,18	0,41	0,00	0,41	Naggataani atorfik inuttaarussimavoq oqalutseqarnissamillu pisariaqattisisoqarsimanani, taamaattumik atuineq annikinnerusimalluni.
Katillu it	26,84	26,84	0,00	5,13	3,06	2,07	

c)

Piffissap ingerlanerani Kalaallit Nunaannit aningaasaliissutit naammattunik suli peqarnerata nalaani ilassutit aningaasaliissutit qinnuteqartoqarsimasoq ataatsimiititaliamit maluginiarneqarpoq. Tamanna sumik pissuteqarpa?

Akissut: Kalaallit danskullu oqartussaasoqarfiisa akornanni suleqatigiinnermi sulianik suliaqarnermik ikiunerup (siunertaq 5) 2021-mi juunimi naasup ingerlateqqinneqarnissaanut ilassutit aningaasaliisoqarnissaanik 2021-mi qinnuteqartoqarpoq. Siunertaq 5-imi siunertariveqarpoq kommunini meeqqat pillugit suliat uninngasut ikilisarneqarnissaat. Ilassutit aningaasaliissutit suliat uninngasut ikilisarneqarnissaanunni issiaqateqarlunilu suliatigut piginnaanngorsaanermut atorveqartussaasimapput.

Kalaallit danskullu oqartussaasoqarfiisa akornanni suleqatigiinneq piffissami 2020-2023 siunertanut ataasiakkaanut aningaasaliissutigineqartut missingersuusiorneqareerlutillu aalajangiiffineqareersimammata erseqqissaatigineqassaaq. Siunertaq 5-imut aningaasaliissutit 2020-mit 2021-ip qiteqqunneranut missingersuusiorneqarlutillu aalajangiiffineqarsimapput. Ataatsimiititaliamit kissaatigineqarpat tamanna pillugu annertunerusumik nassuaasiortoqarsinnaavoq.

d)

Naak Kalaallit Nunaata aningaasaliissutaat tamakkeqqajamagit atorveqarsimagaluartut suliniimmi naammaginartumik angusaqartoqarsimasoq Naalakkersuisunit nalilerneqarpa?

Akissut: Kalaallit danskullu oqartussaasoqarfiisa suleqatigiinnerat pillugu ukiup affakkaartumik killiffissiorluni nalunaarusiarneqartartut takutippaat, siunertat tamangajammik pilersaarutaasut malillugit siunertat ingerlasimasut. Siunertat 16-it pillugit ataatsimoortumik inaarutaasumik nalunaarusiaq suliarineqaleruttorpoq.

Meeqqat pillugit sulianik suliaqarnermik kommunit suli qaangerniagassaqarnerat Naalakkersuisut eqqumaffigaat. Kalaallit Nunaannit aningaasaliissutit atorveqanngitsut kommunini meeqqat pillugit sulianik suliaqarnerinut qanoq atorveqarsinnaanersut maanna eqqarsaatersuutigineqarpoq.



e)
2023-íp naanerani isumaqatigiissut atorunnaarpat aningaasat atorneqanngitsut Nunatta Karsianut utertinneqarnissaat Naalakkersuisunit siunertarineqarpa?

Akissut: Meeqqat pillugit sulianik suliaqarnermik kommunini annertuumik qaangerniagassaqaqarnera pissutigalugu aningaasat atorneqanngitsut kommuninik tapersersuinerup ingerlateqqinnissaanut atorneqarnissaat Naalakkersuisut sulissutigaat. Apeqqut d)-mut qulaaniittumut akissut innersuussutigineqarpoq.

Apeqqut 3 Meeqqanut inuusuttunullu nuna tamakkerlugu ulloq unnuarlu angerlarsimaffinnut konto pingaarneq 30.10.37 pillugu Kukkuersiunermet Ataatsimiititaliap apeqquteqaatai

a)
Naatsorsuutit pillugit nassuiaatinut ataatsimiititaliap apeqquteqaataanut Naalakkersuisut akissuteqaataanut aallarniutigalugu ataatsimiititaliaq qujassuteqassaaq. Naalakkersuisut akissuteqaataat aallaavigalugit 2022-imut naatsorsuutitut sunniuteqartut akiliutit utertinneqarnerinut pissutaasoq sukumiinerusumik nassuiaatigineqarnissaat ataatsimiititaliamit kissaatigineqarpoq.

Akissut: Isumaginninnermut Aqutsisoqarfik Avannaata Kommunianit 2021-mi novembarimi saaffigineqarpoq, qaammammut akiliutit Excel arkimut immiussorsimasat Isumaginninnermut Aqutsisoqarfimmit utertillugit akilerneqartussaasut isumaqarlutik. Allattorsimaffimmi meeqqat Uummannami Meeqqat Angerlarsimaffianni Sarliamilu najugaqartut arlaqartut taaneqarsimapput. Avannaata Kommuniata misissorsimavaa, meeqqat sorliit efterskolernersut imaluunniit Aasianni GUX-imi atuarnersut, piffissamilu meeqqat ilinniarfimiissimaneranni Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50-imi 31. aggusti 2021-meersoq naapertorlugu akissarsiat ikilineqassasut. Isumaginninnermut Aqutsisoqarfiup suliat ataasiakkaarlugit misissorpai sulianilu tamani immikkut inatsisitigut naliliilluni. Kingorna Isumaginninnermut Aqutsisoqarfiup inatsisitigut naliliinerit ataasiakkaat tunngavigalugit aningaasat ilai utertillugit akilerpai. Katillugit 3.866.055,22 kr.-it utertillugit akilerneqarput.

b)
Pineqartumi aningaasartuutit qaffakkiartortut kommunit malugisimagaat peqatigisaanillu akigitinneqartut meeqqap ilinniagaqarnerata nalaani ulloq unnuarlu angerlarsimaffiit meeqqamut aningaasartuutaat pisariaqartinneqartunut naammangitsut ataatsimiititaliamit eqqumaffigineqarpoq. Namminersorlutik Oqartussat nalunaarutaanni nr. 50, 31. august 2021-meersumi §49 naapertorlugu Naalakkersuisut kommunalbestyrelsillu isumaqatigiinniareerneranni akiliutigineqartartoq aalajangersarneqarsimavoq. Atuivallaartoqarsinnaanerani atuinikippallaartoqarsimaneraniluunniit ulloq unnuarlu siunissami akigitinneqartussanut ilanngunneqartalissapput. Ukiumoortumik akigitinneqartussanut isumaqatigiinniarnert aallaavigalugit ajornartorsiutinut taaneqartunut tunngatillugu aningaasaqarnikkut mianerisassat naleqquttumik isiginiarneqartutut Naalakkersuisunit nalilerneqarnerisut ataatsimiititaliamit paaserusunneqarpoq.

Akissut: Isumaginninnermut Aqutsisoqarfik isumaqarpoq, inatsimmi atuuttumi meeqqat ulloq unnuarlu paaqqinnittarfimmut inissinneqarsimasut ilinniarfimiittussanngortut aningaasaqarnikkut naammaginarlumik pingaartinneqarsimanngitsoq.



Ilinniartimmittussanngornerup aningaasalersorneqarneranut malittarisassat Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50-imi 31. aggusti 2021-meersumi aalajangersarneqarsimavoq.

Nalunaarut aningaasalersuinissamut pingasunik periarfissiivoq:

1. Kommuni tamakkiisumik akiliisarnera ingerlaannassaaq. Imaappoq meeqqap inini piginnassavaa, meeraq qaqugukkulluunniit ulloq unnuarlu paaqqinnittarfimmu utersinnaassaaq (tamatumani ilanngullugit atuangiffeqarnermi sapaatillu akunnerisa naaneranni), taamaattoqartillugulu meeqqamukarsinnaasumik sulisoqarnikkut tapersersuisoqarluni.

2. Meeraq anissaaq aamma ulloq unnuarlu paaqqinniffik piareersimasuutinneqarnermut akissarsitineqartassaaq nalunaarummi § 52, imm. 1 naapertorlugu. Meeqqap inini annaassavaa sapaatillu akunnerisa naaneranni atuangiffeqarnernilu ulloq unnuarlu paaqqinniffimmu utersinnaanani. Meeqqap atuangiffeqarnermi/sapaatit akunnerisa naaneranni ilinniarnullu naammassereerneranni sumiiffimmik ornitassaqaarnissaa kommunip isumagissavaa.

3. Ulloq unnuarlu paaqqinnittarfik meeqqamut immikkut ittumik kiffartuussinissaa pillugu ulloq unnuarlu paaqqinnittarfik kommunilu isumaqatigiissuteqassapput nalunaarummi § 55 naapertorlugu.

Misilittakkat tunngavigalugit, tamatumani Uummannami Meeqqat Angerlarsimaffianni meeqqat pillugit suliat sisamat aalajangersimasut ilanngullugit, Isumaginninnermut Aqutsisoqarfik isumaqarpoq, inatsimmi atuuttumi meeqqat ulloq unnuarlu paaqqinnittarfimmi inissinneqarsimasut ilinniartimmittussanngorpata aningaasaqarnikkut naammaginatsumik pingaartinneqarsimanngitsoq.

Nalunaarummi § 51, imm. 3 imannak paasineqarsimavoq, meeqqap efterskolernissaa allatulluunniit ilinniartimminnissaa pillugu kommunalbestyrelsi aalajangerpat kommunalbestyrelsi ingerlaannaq illuinnaasiortumillu ulloq unnuarlu paaqqinnittarfimmu aningaasaliisarneq tamakkiisumik akiliuteqarnermiit akissarsiat apparnissaannut allangortitsinissamik pisinnaatitaaffeqarluni. Aamma isumaqartoqarpoq, akissarsiat apparneqaraluartut meeqqap inini piginnassagaa kiisalu ulloq unnuarlu paaqqinnittarfimmit sulisumit tapersersorneqaannassasoq atuariatunnginnermisut.

Akissarsiat isumaginninnermi ikiorsiisutit tunniunneqartartut atuuttut pillugit kaajallaasitaq 1. januaari 2023-meersoq naapertorlugu ullormut unnuamullu 184 kr.-uvoq. Akissarsiat taamaammatt ulloq unnuarlu tamakkiisumik akiliuteqarnermit appasinnerujussuupput. Assersuutigalugu Uummannami Meeqqat Angerlarsimaffiannut ulloq unnuarlu ataaseq tamakkiisumik akiliut 2.591 kr.-uvoq.

184 kr.-mik akissarsiat meeqqap ilinniartimminnerani piareersimasuutinneqarnermut atatillugu ulloq unnuarlu paaqqinnittarfiup aningaasartuutaanik matussusiisarnerat akuttuvoq.

**Apeqput 4. Apeqqutit kingulliit Ilaqutariinnermut Peqqissutsimullu Ataatsimiititaliami
suliarineqartumut immikkoortoq 29-imut nalinginnaasumik oqaaseqaatinut
tunngassuteqarput:**

4.1.

Issuaaneq: "Sulisaatsimi paasinarsisimavoq ingerlatsineq pillugu isumaqatigiissuteqarneq akuerisaanissamut piomasaaqatitut atatillugu nammineerluni pingaaruteqanngitsoq. Taamaattumik Inatsisit allangortinnissaannut siunnersuutikkut matumuuna ingerlatsineq pillugu ulloq unnuarlu paaqqinniffiit Naalakkersuisullu akornanni isumaqatigiissuteqarnissamut piomasaaqatit peerneqarpoq".

Qulaani allassiasup oqaasertaliorneqarnera tamatumalu allangortinneqarneranut tunuliaqutaasup Naalakkersuisumut itisileqquneqarput?



Akissut: Ulloq unnuarlu paaqqinnittarfinnut akuersissutinik tunniussinermut akuersissutinillu utertitsinernut piumasaqaatit amerlallutillu annertupput, taamaammallu ingerlatsinissamik isumaqatigiissutit pisariaqaratik. Ulloq unnuarlu paaqqinnittarfinnik pilersitsinermut ingerlatsinermullu nalunaarummi §§ 11-48 innersuussutigineqarput. Nalunaarummi taamaammat ingerlatsinissamik isumaqatigiissutit pillugit aalajangersagaqarunangilaq.

4.2.

Issuaaneq: "Meeqqat illui pilersaarutaapput 2022-2024-mi illoqarfinni pingasuni ukunani ingerlanneqartussat: Maniitsoq, Ilulissat aamma Tasiilaq. Pilersaarummit matumani misilittakkanik pissarsisoqareerpat meeqqanut ilaqutariinnullu sullissivinnut atatillugu illoqarfinni amerlanerusuni meeqqat illuinik pilersitsinissamut kommunit kissaateqarsinnaanerannut tunngavissiisinnaavoq".

Meeqqat illuinik pilersinniarneqarnerinut tunuliaqutaasoq nassuiaqqullugu aammalu neqeroorutip suliarineqarnerani inatsisit tunngavigineqartut nassuiaqqullugit Naalakkersuisoq qinnuigineqarpoq?

Akissut: Danmarkimi 2022-mut aningaasanut inatsimmi nunatsinni illoqarfinni pingasuni ilaqutariinnut sullissivinnut atassuteqartillugit meeqqat illui pillugit suliniummik aallartitsinissamut aningaasaliisoqarpoq. Tamanna nunatsinnit Folketingimut ilaasortap suliniuteqarneratigut kommuninilu pineqartuni borgmesterit aamma Meeqqanut, Inuusuttunut ilaqutariinnullu Naalakkersuisoq oqaloqatigereerlugit pivoq. Meeqqat illuisa siunertaraat meeqqanut innarlerneqarsimasunut, killisiuinissamut atugassaqartitsinissamut katsorsaanissamillu periarfissiinissamut najukkami atugassaqartitsinissaq. Meeqqat illui pillugit suliniut "matu-ataaseq-tunngavigalugu" sapinngisamik suliassaqarfiit assigiinngitsut akornanni innarliisoqarsimatillugu paasisimasallit ilanngunneqartartut illumi katersuunneqarsinnaanerannik malinnippoq.

4.3

Issuaaneq: "Matumunnga meeqqanut ilaqutariinnullu sullissiviit najugaqarfinnut, meeqqat illuinut qimarnguinnullu nutaanut atassusiinissamut kommunit toqqagaqarpata taamatuttaaq aningaasaqarnikkut allaffissornikkullu matumani sunniuteqassaaq".

Kommunit aaqqiissut taanna toqqarneqassappat qanoq takorluuisoqarnerseq/ aningaasatigullu kingunerisassat saqqummersinnaasut pillugit Naalakkersuisumut nassuiaqquneqarput?

Akissut: Kommunit namminneq aningaasaatitik atorlugit ilaqutariinnut sullissivinnik, ilaqutariit illuinik najugaqarfinnillu assigiinngitsunik pilersitsillutillu ingerlatsereerput. Qimarnguinnut tunngatillugu qimarnguinnik ingerlatsinermut 50 %-it tikillugit taperneqarnissamut qinnuteqareertoqarsinnaavoq, kontomi pingaarnemi 30.14.29-mi aningaasaliissutit immikkoortinneqareersimallutik. Inerisaanissamik kommunit kissaateqarpata aningaasaqarnikkut allaffissornikkullu sunniutaasussat kommunit namminneq nammattussaavaat.

4.4

Issuaaneq: "Akissut: Tusaatissatut tiguneqarpoq. Inummik tapersersortissamik aamma angajoqqaatut oqartussaassusilinnut iliuusissanik pilersaarusiortoqarnissaanut aalajangersagaq inatsisissatut siunnersuummit peerneqarpoq. Iliuusissatut pilersaaruteqartoqarnissaanut piumasaqaat angerlarsimaffimmi isumassuineranut avatangiisit pitsaanerulersinneqarnissaat anguniarlugu meeraq pillugu iliuusissamut pilersaarummi erserpoq. Piumasaqaat taanna allatut itisilerneqarumaarpoq".

Piumasaqaatip matuma qanoq itisilerneqarsinnaanersoq nassuiaqqullugu Naalakkersuisoq qinnuigineqarpoq?



Akissut: Meeqqanik tapersersuinnermut nalunaarummi § 7 aamma meeqqanut tapersersuinnermut inatsimmi oqartussaasunut iliitersuut innersuussutigineqarpoq. Nalunaarut oqartussaasunullu iliitersuut itisilerneqassapput, isumassuinnermi avatangiisinut suliniuteqarneq angajoqqaatullu akisussaassuseqartut ukkatarineqarnerulerpata.

4.5

Issuaaneq: "Akissut: Isumaginninnermut Aqutsisoqarfik massakkorpiaq kommunini suliassanut sulisunik atukkiussinissamat naammattunik sulisoqanngilaq. Kommunit ikiorneqarnissaasa aaqqiiffiginissaat sulissutigineqarpoq".

Ikiorserneqarnissamik pisariaqartitsineq qanoq ikiorsiiffigineqassanersoq piviusunngortinneqarsimanersorlu nassuiaatigeqqullugu Naalakkersuisoq qinnuigineqarpoq?

Akissut: Isumaginninnermut Aqutsisoqarfimmi kommunimi suliassanik isumaginninnissamat atukkiussinissamat massakkut naammattunik sulisoqanngilaq. Tamanna kommunini annertuumik najuuttariaqarnermik ilaatigut pissuteqarpoq.

Sulisunik atukkiinnermi Isumaginninnermut Aqutsisoqarfiup meeqqanik tapersiisarnermut, inunnik innarluitilinnik tapersiisarnermut aningaasaqarnermullu inatsisit malillugit pisussaaffinnik isumaginninnissamat sulisut ikinnerulissapput, Isumaginninnermullu Aqutsisoqarfik aamma nuna tamakkerlugu sulianik suliaraqarnermut tapersersuinissaq siunertaralugu siunnersuinnermik, iliitersuinnermik, aqutissiuussinermik pikkorissaanernillu isumaginnittussaalluni.

Meeqqat pillugit suliart uningasut ikilisarnissaannut aama meeqqat pillugit suliart sularinerannut digitalimik aaqqiissuteqalernissamat kalaallit danskillu oqartussaasoqarfiisa akornanni suleqatigiinnermi siunertanut 5-imut aamma 6-imut atatillugit, Isumaginninnermut Aqutsisoqarfik kommunit tamaasa tikissimavai ilaatigullu issiaqatiginnilluni ilinniartitsinnermik, siunersioqatigiinnermik suliartigullu piginnaangorsaanermik ikiuussimalluni.

Kisianni Isumaginninnermut Aqutsisoqarfik kommunimiikkunnaaraangat suliarpasuarni suliart sularineqarnerat malitseqartinneqarneq ajornerat misilittagarineqarpoq. Isumaginninnermut Aqutsisoqarfiup ikiunnerata sunniutaa taamaalilluni siunissaq eqqarsaatigalugu killeqarpoq.

Internetsikkut suliaraqarneq aallartinneqarsimapput atorneqarnerujartortullu. Isumaginninnermut Aqutsisoqarfiup internetsikkut suli annertunerujartortumik ingerlatsisoqarsinnaalernissaa ataavartumik sulissutigaa. Taamaalilluni Isumaginninnermut Aqutsisoqarfiup kommunini sulianik suliaraqarnermik tapersersuinnera eqaannerulerpoq isumalluutinillu atuinannginnerulluni Isumaginninnermut Aqutsisoqarfimmi kommuninilu.

Isumaginninnermut Aqutsisoqarfik internetsikkut saqqummiinnermik aamma sulianik suliartaqatut aqutsisullu internetsikkut attaveqatigiittarfiannik pilersitsinnermik misilittagaqalerpoq, suliniuteqarnerullu novembarimiit annertunerulernissaa pilersaarutigalugu. Kommunit sulianik suliartaqatut internetsikkut issiaqatigalugit annertunerusumik ilinniartinneqarsinnaalernissaannut periaasissamik suliartaqarpoq.

Isumaginninnermut Aqutsisoqarfimmi sulineq aamma imannak aaqqissuunneqarpoq illoqarfinni tamani kommunini sulisut aalajangersimasumik siunersioqateqartassallutik. Tamatumani kommunini tamani tapersersuinnerup sunniuteqarnerulernissaa naatsorsuutigineqarpoq.

Isumaginninnermut Aqutsisoqarfik meeqqanut inuusuttunullu suliassaqarfimmi sulianik suliaraqarnermik digitalimik ilinniartitsinnermik (e-læring) inerisaanissamat periarfissanik misissuilluni aallartippoq. Digitalimik ilinniartitsineq siullermik sulianik suliartaqatunut ilinniarsimangitsunut suliassaqarfimmi killilimmik misilittagalinnut ilisaritsilluni/tunngaviusumik pikkorissaanertut siullertut eqqarsaatigineqarpoq.



Sulianik suliaqarnermi kommunit piginnaasaasa nukittorsarneqarnissaat siunertaralugu najuulluni pikkorissaanernik issiaqateqarlunilu ilinniartitsinerit Isumaginninnermut Aqutsisoqarfimmit suli ingerlanneqartarniarput.

ESDH-systemi Get Organized / meeqqat pillugit suliaqarnermi app'i atorlugu meeqqat pillugit sulianik suliaqarnermik digitalinngorsaaneq meeqqat pillugit suliat pitsaassusaannik sunniateqartorujussuunissaa naatsorsuutigineqarpoq. Isumaginninnermut Aqutsisoqarfik suleriaatsinik suliassallu tullerriarnissaannut ilitsersuutunik suliaqarsimavoq, inatsisit malillugit sulianik aaqjissuussamik suliaqarnissamut sulianik suliaqartunik ilitsersuisussamik. Get Organized kommunini tamani atulersinneqarsimavoq, naatsorsuutigineqarlunilu systemimik atuinermut kommunini sulianik suliaqartut tapersorsorneqartuarnissaat pisariaqartinneqassasoq. Isumaginninnermut Aqutsisoqarfimmit pilersaarutigineqarpoq internetsikkut aalajangersimasumik ilisarititsisoqartassasoq kommunimi sulisut tamarmik systemimik atuisinnaanissaat qulakkeerniarlugu. Suliani aalajangersimasuni siunnersuinnermut ilitsersuinnermullu atatillugu akimmiffeqarsinnaavoq kommunini pineqartuni Get Organized Isumaginninnermut Aqutsisoqarfimmi sulisunit avataanit isersinnaatinneqanngippata.

Inussiarnersumik inuulluaqqusillunga

Aqqaluaq B. Egede